

尚書今古文集解

皇清經解續編卷三百四十八

南菁書院

尚書今古文集解二十六 武進劉逢祿申受著

費誓第二十六

周書十七

堯典疏孔以費誓在文侯之命後鄭以為在呂刑前今从鄭費

說文作柴鄭注周官雍氏禮記會子問引亦作柴史記作胙徐廣云一作鮮一作胙書大傳作鮮段云許鄭用古文史記用今文鮮讀如斯彌古音如徒故與胙音近衛包用索隱柴即魯卿季氏費邑之云改為費其實柴在曲阜東郊費去曲阜且三百里索隱非也

公曰嗟人無譁聽命徂茲淮夷徐戎並興

徐周禮雍氏釋文劉昌宗本作邾音徐說

文邾邾下邑也魯東有邾城

鄭曰人謂軍之士眾及柴地之民 傳曰伯禽為方伯監七

百里內之諸侯帥之以征淮浦之夷徐州之戎並起為寇

後案淮南北近海之地皆為淮夷常武之詩曰率彼淮浦省

此徐土又曰截彼淮浦王師之所僖十三年左氏淮夷病杞  
故此皆淮北之夷在徐州之域者也江漢之詩曰淮夷來求  
春秋昭四年楚子會諸侯淮夷于申此皆淮南之夷在揚州  
之域者也漢臨淮郡有淮浦縣今爲安東縣屬江南淮安府  
淮水從此入海卽詩之淮浦大約今淮揚二府近海之地皆  
古淮夷而此經淮夷則在淮北者也魯頌淮夷攸服又云至  
于海邦淮夷來同又云遂荒徐宅是魯世有淮夷徐戎之征  
也

善敎乃甲冑敎乃干無敢不弔

說文支部敎擇也从反來聲周書曰敎乃甲冑冑部衆从冑米

聲或从占作冑釋文敎丁離反段云古音讀如彌說文支部敎葉連也周書曰敎乃干讀若矯段云弔通也通至也至敎也謹案說文無善字是也弔古文叔字似叔字皆借義爲之善也敎史記訓陳

鄭曰敕謂穿徹之敵猶繫也弔至猶善也

備乃弓矢鍛乃戈矛礪乃鋒刃無敢不善段云礪占作厲

今惟淫舍牯牛馬說文牯牛馬牯也鄭引今惟牯牛馬脫淫舍二字

鄭曰牯為桎梏之梏施牯于牛馬之足使不得走失 傳曰

今軍人惟大放舍牯牢之牛馬言軍所在必牧放 謹案傳

用說文義與鄭異鄭是也

杜乃撻斂乃笮無敢傷牯牯之傷女則有常刑釋文杜本又作

部斂閉也斂塞也二字相連則說文作斂也

鄭曰山林之田春始穿地為笮或設撻其中以遮獸撻柞鄂

也

馬牛其風臣妾逋逃勿敢越逐祗復之我商賚女乃越逐不復

女則有常刑

祇史記訓敬徐廣曰一作振釋文商徐音章後案商章古通說文商从外知內也从商章省聲

鄭曰屨走逸臣妾廝役之屬也

傳曰越逐爲失伍不還爲

攘盜女則有此常刑

疏曰僖四年傳風馬牛不相及賈逵

服虔云風放也牝牡相誘謂之風

後案僖二十八年傳晉

中軍風于澤杜注同易睽初九云悔亡喪馬勿逐自復言逐

則有悔也詩云爰居爰處爰喪其馬言國無政軍無律故越

逐無刑也周官朝士凡得獲人民六畜者委于朝告于士旬

而舉之在朝尙然在軍可知晉有董逋逃之法楚作僕區之

法說文亡藏也品眾也品在亡中踦區藏匿也僕臣妾也亦

隱匿逃臣之法

孫云臣妾者墨子備城門篇云守法五十

步丈夫十人丁女二十人老小十人疏云古或以婦女從軍

是也公羊何注艾草爲防者曰廐汲水漿者曰役養馬者曰  
扈炊烹者曰養古者兵車一乘甲士三人步卒七十二人外  
有餘子二十五人卽廐役也

無敢寇攘踰垣牆竊馬牛誘臣妾女則有常刑

邾曰寇劫取也因其亾失曰攘

甲戌我惟征徐戎時乃稊糧無敢不逮女則有大刑

段云峙當作時附雅

具也卽說文備字之義稊說文引作𥝱乾食也糧說文引作  
根說文無根字謹案史記逮訓及或及爲下文多字異文形  
近而誤

馬曰大刑死刑 傳曰乏軍興之死刑

魯人三郊三遂

遂史記作隧謹案卽闕之省文國語晉文公  
請隧韋昭注請六隧之制蓋欲作六軍也

書大傳曰古者百里之國三十里之遂二十里之郊七十里

之國二十里之遂九里之郊五十里之國九里之遂三里之郊 王曰邑外曰郊郊外曰遂不言四者東郊留守故言三也疏曰魯人三軍周禮司徒萬二千五百家爲鄉司馬法萬二千五百人爲軍小司徒云凡起徒役無過家一人是家出一人一鄉爲一軍天子六軍出自六鄉則諸侯大國三軍亦出自三鄉也周禮又云萬二千五百人爲遂則六遂亦當出六軍鄉爲正遂爲副耳鄭眾云六遂之地在王國百里之外爾雅邑外謂之郊孫炎曰邑國都也設百里之國去國十里爲郊則諸侯亦鄉在郊內遂在郊外 後案小司徒疏大國三軍次國二軍小國一軍皆出于鄉遂賦不止則有徧境出之法則千乘之賦是也今此淮夷徐戎兩寇並發故悉起鄉

遂之兵應之然猶不至總徵竟內也王肅謬謂東郊留守故不言四傳曲附王義皆非也

峙乃楨榦甲戌我惟桀無敢不供女則有無餘刑非殺

段云供當作其

此俗字衛包所改

馬曰楨榦皆桀具楨在前榦在兩旁傳曰甲戌日當築攻

敵壘峙墜之屬鄭曰無餘刑非殺者謂盡奴其妻子不遺

其種類在軍使給廝役反則入于罪隸春橐不殺之

魯人三郊三遂峙乃芻茭無敢不多女則有大刑

鄭曰茭乾芻也謹案曾子問鄭注言伯禽時有戎夷作難

雖有三年之喪卒哭往征作桀誓疏謂遭母喪也魯世家以

爲伯禽即位後有管蔡等反淮夷徐戎亦並興反伯禽帥師



伐之于盱作盱誓案成王踐奄滅淮夷而後封伯禽書序甚

明世家誤也段云據說文魯東有邾城邾爲徐之或體魯世

定頃公十九年上距獲麟之年計二百四十餘年楚伐我取徐州後五年楚滅魯徐

廣謂徐州在魯東今薛縣索隱謂說文邾邾之下邑在晉東

紀年亦謂梁惠王三十一年下邳遷于薛故名曰徐州則徐

戎在魯東切近擊榛相聞故曰東郊不闢成王周公既平東

土乃以青兗冀三州之地封太公召公伯禽爲三州諸侯之

長以革其俗伯禽秉周公之訓報政遲至三年周公嘆曰後

世其北面事齊矣以魯之爲國迫近戎夷禮樂難以施干戈

難以靖故春秋時齊晉強則依以立齊晉衰則依於吳楚其

勢然也孔子序書百篇皆三代廢興之大政于侯國之書惟

柴誓秦誓二篇柴誓雖在周初視商誓則誓周公成王之書則編矣奚取乎爾奚取而序之穆王之書中爾曰此周書變書之始志荆蠻猾夏之萌也說在周史伯之對鄭桓公矣姜嬴荆平實與諸姬代相干也平王沒而齊晉秦楚代興是四國者東遷後之四伯也楚入春秋始大雖同晉襄秦穆之世而詩書不足錄詩頌魯僖曰戎狄是膺荆舒是懲孟子曰周公方且膺之春秋貶荆外楚之志也魯之享國久遠與周相終始故特序柴誓志徐夷之並興以下其終滅於楚上繼蔡仲之命蔡爲誅君之後後亦滅於楚也疏通知遠之教卽春秋寓王於魯楚不書葬之義也孟子曰詩亡然後春秋作吾亦曰書亡然後春秋作

皇清經解續編卷一百四十八終

仁和邵順穎校  
桐城姚永樂

皇清經解續編卷三百四十九

南菁書院

尚書今古文集解二十七 武進劉逢祿申受著

呂刑第二十七 周書十八

惟呂命

鄭曰呂侯受王命入爲三公 書說云周穆王以呂侯爲相

謹案大雅崧高云甫侯相穆王訓夏贖刑周本紀曰甫侯

言于王作修刑辟命曰甫刑則此序呂命穆王訓夏贖刑云

者謂呂侯命穆王猶緇衣鄭注云傳說作書以命高宗也本

篇首曰呂命此周史特加之詞言是時穆王蠹荒命由呂

左氏春秋載叔向之言曰卽呂侯所作之贖刑亦謂之祥刑

言重罪亦不死也實開後世枉法繫獄之始故書傳記孔子

之言曰甫刑可以觀誠申呂齊許皆炎帝太岳之後周之外  
戚觀其述三后舉伯夷明刑以攘皋陶之功且加諸禹稷之  
上蓋伯夷呂侯之祖也目無周室代王爲政是呂侯或呂伋  
之子若孫此篇著外戚專政變亂典刑亦志齊晉代興之始  
爲變書之次故鄭本書序以呂刑次桀誓不以次固命明此  
爲甫侯之書非穆王之書也僞孔不知而移之豈知編次之  
旨哉

王享國百年毫荒度作刑以詰四方

釋文毫本亦作毫段云說文毫字之誤周官大司寇

鄭注引作旄漢刑法志作旄古通用大宰大司寇鄭注刑上有詳字釋文度待洛反馬如字云法度也莊云詳祥通

傳曰穆王以享國百年眚亂荒忽穆王卽位過四十矣疏曰

周本紀云穆王卽位春秋已五十矣立五十五年崩

謹案

左氏春秋載叔向之言曰周有亂政而作九刑即呂侯所造之贖刑謂之祥刑言重罪亦不死也實開後世枉法繫獄之始

王曰若古有訓蚩尤惟始作亂延及于平民罔不寇賊鴟義姦

尤奪攘矯虔

潛夫引此鴟作消奪說文引作姦大傳同矯周官司刑鄭注作矯漢武詔同

馬曰蚩尤少昊之末九黎君名鴟輕也鄭曰蚩尤霸天下黃帝所伐者學蚩尤爲此者九黎之君在少昊之代也盜賊狀如鴟鴞抄掠良善劫奪人物有因而盜曰攘矯虔謂撓擾春秋傳虔劉我邊垂謂劫奪人物以相撓擾也

苗民弗用靈制以刑惟作五虐之刑曰法殺戮無辜

緇衣引甫刑弗作匪

靈作命段云命乃令之誤古靈令通用墨子引呂刑弗作否靈作練制以刑作折則刑虐作殺段云靈練雙聲練亦訓善

折制古  
通用

鄭曰苗民謂九黎之君也九黎之君于少昊氏衰而棄善道  
上効蚩尤重刑必變九黎言苗民者有苗九黎之後嗣項代  
少昊誅九黎分流其子孫居于西裔者曰三苗至高辛之衰  
又復九黎之惡堯興又誅之堯末又在朝舜臣堯又敗之禹  
攝位又在洞庭逆命禹又誅之穆王深惡此族三生凶惡故  
著其氏而謂之民民者冥也言未見仁道 後案馬及傳以  
蚩尤爲九黎君名鄭則九黎與苗民爲一與蚩尤爲二其說  
最精黎與苗皆南蠻之名今日猶然蚩尤在涿鹿與三苗九  
黎無涉況蚩尤在炎帝末九黎在少昊末其時又相去甚遠  
也民者冥也孝經援神契文

爰始注為劓劓極黥

堯典疏劓劓劓劓夏侯等書云廣宮劓劓頭底劓說文劓去陰之刑也周書曰劓劓

敬鄭段云別當是劓之誤傳疏則在劓上鄭本同今本劓在劓上衛包所改劓作極劓作黥亦衛包所改

鄭曰劓斷耳劓截鼻極謂極破陰黥謂黥人面苗民大為

此四刑者言其特深刻異於皋陶之為

越茲麗刑并制罔差有辭

謹案并制罔差句

鄭曰越于也茲此也麗施也於此施刑并制其無罪也 謹

案麗刑周官所謂麗於法也漢律一人有數罪以重者論之

自古及今皆然并制罔差者如李斯之具五刑不分差等故

曰五虐辭罪狀也

民與晉漸泯泯勞勞罔中于信以覆詛盟

論衡漢書敘傳作面論紛紛今文祭公解

作芬芬後案泯在說文新附古作泯杜子春小宗伯注讀泯為泯是也芬勞紛同



傳曰民憤於亂政泯泯爲亂勞勞同惡皆無中於信義以背盟詛之約

虐威庶戮方告無辜于上帝監民罔有馨香德刑發聞惟腥

戮論衡引作僇方作芳上帝作天帝少上字後案腥當作胜从星別一字

後案苗民無有馨香德惟濫刑之氣腥聞於天也

皇帝哀矜庶戮之不辜報虐以威遏絕苗民無世在下乃命重

黎絕地天通罔有降格羣后之逮在下明明棗常鰥寡無蓋皇

帝清問下民鰥寡有辭于苗

釋文君帝君宜作皇字帝堯也案君帝封上帝而言此謂顓頊下謂

帝舜於周法宜稱帝也趙岐注孟子引甫刑帝清問下民無皇字今文當從者也墨子尚賢篇引羣后以下十四字在有辭有苗之下亦當從者也墨子下民下脫鰥寡二字有辭於苗作有辭有苗曰有卽於也鰥寡謂下民此舜伐三苗事也帝清問下民鰥寡句有辭於有苗句二句接罔有降格下逮墨子作四案作不無作不古棗皆作非非常猶非棗酒誥言

村之惡亦曰非彝此非常謂有苗也正義鄭以皇帝哀矜至罔有降格皆說顓頊之事皇帝清問以下乃說堯事是漆書本亦同墨子也羣后之逮在下明明句案常經寡無蓋句清鍾絲傳引作親釋文馬曰清問清訊也

鄭曰皇帝哀矜庶戮之不辜至罔有降格皆說顓頊之事乃命重黎卽是命重黎之身非羲和也皇帝清問以下乃說堯事顓頊與堯再誅苗民故言上過絕苗民下云有辭於苗異代別時非一事也論衡曰報虐用威威虐皆惡也用惡報惡亂莫甚焉 傳曰乃報爲虐者以威誅

德威惟畏德明惟明

畏表記引作威墨子同段云唐以前不通聲音訓詁者改作畏不始於衛包也

表記引此云非虞帝其孰能如此乎 鄭曰德所威則人皆畏之言服罪也德所明則人皆尊寵之言得人也

乃命三后恤功于民伯夷降典折民惟刑禹平水土主名山川

稷降播種農殖嘉穀三后成功惟殷于民

釋文折馬鄭王皆作  
慙馬云智也後案命

墨子作名古通降作隆古音同殷作假形相似而誤段云折  
大傳作折蓋古今文同作折而馬讀爲慙也墨子作哲陶潛

羣輔錄作制正如論  
語魯讀折爲制也

書大傳曰伯夷降典慙民惟刑謂有禮然後有刑也 漢刑

法志云言制禮以正刑猶隄之防溢水也 謹案伯夷呂侯

之祖也明刑者皋陶之功者也舉伯夷以攘皋陶之功且加

於禹稷之上呂侯之目無周室欲代王爲政也此義幼聞之

於莊味經宗伯宗伯云成親王神解此其一也 高郵王氏

曰廣雅農勉也大戴記五帝德作務勤嘉穀務亦勉也左氏

春秋小人農力農力猶努力語之轉也

士制百姓于刑之中以教祗德

後漢書梁統傳引此經作爰制  
百姓于刑之衷後秦楊震傳震

孫賜辭廷尉曰三后成功舉陶不與焉  
蓋亦作爰僞孔妄改作士非也衷中通

穆穆在上明明在下灼于四方罔不惟德之勤故乃明于刑之

中率父于民斐斐

莊云率音律  
素亦讀非

典獄非訖于威惟訖于富敬忌罔有擇言在身

表記引罔上有  
而字身作躬王

伯中云擇讀爲敦敦說  
文作殫敗也而女也

傳曰主獄非絕於威惟絕於富世治貨賂不行皆能敬其職

忌其過無有可擇之言在其身 王伯申云訖終也富讀曰

福威福相對言非終於作威惟終於作福也

惟克天德自作元命配享在下

鄭曰大命謂延期長久也

王曰嗟四方司政典獄非爾惟作天牧今爾何監非時伯夷播

刑之迪其今爾何懲惟時苗民匪察于獄之麗罔擇吉人觀于

五刑之中惟時庶威奪貨斷制五刑以亂無辜上帝不獨降咎

于苗苗民無辭于罰乃絕厥世

莊云緇衣引播刑之不迪鄭注

勸也刑罰不足恥也故上不可以褻刑而輕罰既引康誥言

偵刑又引甫刑證褻刑不非衍字鄭以古今文皆脫不字而

不察耳上兩言刑之中

此五刑之中五字宜衍

王曰伯夷道之以禮齊之以刑 鄭曰天以苗民所行腥臊

不潔故下禍誅之

王曰烏乎念之哉伯父伯兄仲叔季弟幼子童孫皆聽朕言庶

有格命

鄭曰格登也登命謂壽考者

今爾罔不由慰曰勤爾罔或戒不勤

釋文曰人貨反一音曰

傳曰今汝無不用安自居曰當勤之汝無徒念戒而不勤

天齊于民俾我一日

釋文俾馬本作矜矜哀也後漢書楊賜傳引書曰天齊乎人假我一日注我謂君也

大意欲整齊乎人必假於君也莊云今文尙書當從之東晉古文以俾我絕句誤也馬本假作矜亦非

非終惟終在人爾尙敬逆天命以奉我一人雖畏勿畏雖休勿

休惟敬五刑以成三德一人有慶兆民賴之其甯惟永

蔡氏曰非終惟

終卽康誥大罪非終小罪惟終之謂畏威古通休宥之也言我雖威之爾惟勿威我雖宥之爾惟勿宥惟敬五刑之用以

成剛柔正直之三德王伯申云休宥也

王曰吁來有邦有土告爾祥刑在今爾安百姓何擇非人何敬

非刑何度非及

釋文吁馬本作于於也後案墨子作於有邦有

非及墨子作不及墨子云能擇人而敬爲刑堯舜禹湯文武之道可及也以義求之非人當從今本不及當從墨子史記作何居非其宜與是度爲宅訓居及訓與也墨子作訟刑又作而安百姓訟當爲頌古文以爲容字頌刑者寬刑也釋文

皇青經解

尙書今古文集解二十七

六

度待洛反馬云造謀也作傳者誤會史記改與爲乎訓及爲  
宜失之矣後案詳鄭作詳古通鄭曰詳審察之也見後漢書  
劉愷  
傳注

### 兩造具備師聽五辭

傳曰兩謂囚證造至也兩至具備則眾獄官共聽其入于五  
刑之辭

### 五辭簡孚正于五刑

傳曰五辭簡核信有罪驗則正之于五刑

### 五刑不簡正于五罰

傳曰不簡謂不應五刑當正五罰出金贖罪

### 五罰不服正于五過

傳曰不服不應罰也正于五過從赦免 後案五過卽下文

五過之疵也五罰不服則其人必有所恃欲挾私幸免故不服宜察其是五過否如非五過然後赦之如是五過必正其罰

五過之疵惟官惟反惟內惟貨惟來

釋文來馬本作求

馬曰求有求請賕也 傳曰五過之所病或嘗同官位或詐

反囚辭或內親用事或行貨枉法或舊相往來 後案馬云

云者漢律諸爲人請求于吏以枉法而事已行者皆屬司寇

說文賕以財物枉法相謝也蓋漢盜律有受賕之條卽經所

云惟貨也又有聽請之條卽經所云惟求也然有求必以貨

二者相因故馬兼二義言之傳作來非也 謹案惟官者畏

其高明也惟反也者謂有意反案故出入囚辭也惟內內讀



如納謂深文周內也惟求謂浼人求請也西者皆枉法與受賄驚獄同科

其罪惟均其審克之

漢刑法志元帝詔引克作核古音同段云古今文之異傳訓能非也孫云核又通覈

馬曰以此五過出入人罪與犯法者等

五刑之疑有赦五罰之疑有赦其審克之

鄭曰不言五過之疑有赦者過不赦也禮記云凡執禁以齊眾不赦過 莊云言五過不犯此五者則所謂刑疑罰疑也

鄭以爲過不赦非也

簡乎有眾惟貌有稽無簡不聽具嚴天威

史記字皆訓爲信貌史記作訊說文引作

緇旄絲也聽史記作疑莊云今本作聽

據王制注改非此經義史記具訓其 莊云簡誠也言五過之疑必誠信于眾無微不察故訊于眾

而自察之然後入于疑而赦之無其誠不可以信于眾則不可以入于疑疑與信相反而一以誠誠即情也 係云言無情者則非疑獄也亦不可輕出入罪當具儼敬天威也

墨辟疑赦其罰百鍰閭實其罪

鍰史記作率索隱云舊本率亦作選平準書索隱云大傳作候

馬曰鍰錡也錡十一銖二十五分銖之十三也賈逵說俗儒以錡重六兩周官劍重九錡俗儒近是 傳曰鍰黃鐵也閭

實其罪使與罰名相當

謹案今文夏侯等說古以六兩爲

率古尚書說百鍰鍰者率也百鍰爲三斤考工記冶氏注許叔重說文解字云錡鍰也今東萊稱或以太半兩爲鈞十鈞爲鍰鍰重六兩大半兩鍰錡似同矣則三錡爲一斤四兩彼疏云三分之二爲太三分之一爲少以一兩二十四銖十六

銖爲太半兩也。舜典疏古贖罪周銅漢始改用黃金少其斤兩令與銅相敵。故鄭元駁異義言贖死罪千鍰鍰六兩太半兩爲四百一十六兩十兩太半兩銅與今贖死罪金三斤爲價相比附。後案今以白金爲幣銅四百六十斤十兩有奇價直白金百二三十兩。金黃金三斤直白金千兩。古文家以百鍰爲銅三斤可贖。黥罪千鍰爲銅三十斤可贖。死罪則太輕。故馬鄭許王孔皆用今文說說古文也。

剕辟疑赦其罰惟倍。閔實其罪。

惟倍史記訓倍。徐廣曰一作徒五倍。曰徒莊云此似倍差義。

傳曰倍百爲二百鍰。

剕辟疑赦其罰倍差閔實其罪。

段云古文制今文作贖。鄭云周改制爲剕。則說文作明。

馬曰倍二百爲四百鍰也。差者又加四百之三分之一凡五

百三十三銖三分銖之一也 傳曰倍之又半爲五百銖

宮辟疑赦其罰六百銖閭實其罪大辟疑赦其罰千銖閭實其

罪六百史記正義一作五百

墨罰之屬千則罰之屬千判罰之屬五百宮罰之屬三百大辟之罰其屬二百五刑之屬三千

疏曰實則刑之疑則罰之 謹案傳意言疑則赦之實則罰

之疏非也 後案司刑五刑凡二千五百而此改從夏爲三

千孝經同此數也 江氏聲曰墨則倍于周初宮與大辟皆

減焉此詳刑之意也 孫云罪之條目各有定數者恐後世

妄加之故律所無輒比附以定罪今例猶云比照某律也律

則古今不易例則煩輒刪除之今令甲猶然

上下比罪無僭亂辭

王制凡聽五刑必察小大之比以成之注云小大猶輕重已  
行故事曰比周官大司寇凡庶民之獄訟以邦成比之注云  
如今時決事比也疏曰成邦是舊法成事品式若今律其斷  
事皆依舊事斷之其無條取比類以決之漢刑法志曰姦  
吏因緣爲市所欲活則傅生議所欲陷則予死比是差亂因  
辭及決獄之辭也朱云僭差也亂辭糾紛難理之辭兩造  
互相攻詰是亦易淆惟心無差忒則無情者不得盡其辭推  
而用刑罰亦無行矣

勿用不行惟察惟法其審克之

孫云不行者謂蠲除之法晉書刑法志引春秋保乾圖曰王

者三百年一蠲法若已蠲又行之則刑罰不信民無所指手足惟察惟法謂惟以明察惟用今時之法也

上刑適輕下服下刑適重上服輕重諸罰有權

後漢書劉般傳劉愷曰尚書曰

上刑挾輕下刑挾重段曰挾今文也如策字隸多作策謹案適策爲支之人夾夾皆侵之人古音之亂多由隸變也

傳曰重刑有可以虧減則之輕服下罪一人有二罪則之重

而輕并數輕重諸刑罰各有權宜 後案鄭注大傳云數罪

以上一罪刑之鄭解下刑適重上服與傳同也 謹案蔡氏

說以康誥小罪非眚乃惟終不可不殺下刑適重上服也大

罪非終乃惟眚乃不可殺上刑適輕下服也

刑罰世輕世重惟齊非齊有倫有要

傳曰刑罰隨世輕重新國用輕典平國用中典亂國用重典

所以齊非齊各有倫理有要善 後案大傳說呂刑云殷罰有倫今反是諸侯不同聽每君異法聽無有倫故法難也是刑貴有倫也

罰愆非死人極于病非佞折獄惟良折獄罔非在中察辭于差非從惟從

傳曰察囚辭其難在于差錯非從其僞辭惟從其本情 大傳說君子之于人也有其語也無不聽者皇于獄訟乎必盡其辭矣聽獄者或從其情或從其辭 後案尉繚子云善審囚之情不待筆楚而囚之情可畢矣答人之背灼人之脅束人之指而訊囚之情雖國士有不勝其酷而自誣矣是亦言察辭不如察情之義也

哀敬折獄

大傳敬作矜折作哲漢書于定國傳贊作哀矜哲獄段云矜解古同音通借

大傳說子曰古之聽民者察貧窮哀孤獨矜寬宥老幼不肖無告有過必赦小罪勿增大罪勿暴老弱不受刑有過不受罰故老而受刑謂之悖弱而受刑謂之剋不赦有過謂之賊逆率過以小謂之忒故與其殺不辜甯失有罪與其增以有罪甯失過以有赦又說子曰聽訟雖得其指必哀矜之死者不可復生斷者不可復續也書曰哀矜哲獄

明啟刑書胥占咸庶中正其刑其罰其審克之

莊云咸庶中絕句

莊云咸悉也明啟刑書相占驗詳悉庶獄成之得中者以正其刑罰

獄成而孚輪而孚其刑上備有并兩刑



謹案獄成而信必使罪人輸其情而信也其刑上備謂具其爰書上之王府有并兩刑者如漢律一人有數罪以重者論之異于苗民之并制罔差也亦并上之爾

王曰烏乎敬之哉官伯族姓朕言多懼朕敬于刑有德惟刑今天相民作配在下

馬曰相助也

明清于單辭民之亂罔不中聽獄之兩辭

疏曰單辭謂一人獨言未有與對直已曲彼搆辭誣人特難聽也孔子美子路片言可以折獄片言即單辭也 孫云能明察一偏之辭其聽於兩造之訟更無不中矣

無或私家于獄之兩辭

莊云家古通嫁高誘國策注嫁賣也

獄貨非寶惟府辜功報以庶尤

尤說文引作說

謹案府聚也辜罪也功公通事也言寶獄貨者必枉法枉法必叢罪事上亦以眾過報之上言五過之疵此獨申言惟貨蓋賄尤易犯且方訓贖刑恐人引比輕重鬻獄尤多也

永畏惟罰非天不中惟人在命天罰不極庶民罔有令政在于

天下

莊云非天句惟人句命天宜作天命

謹案惟罰非天不中惟人者言罰罪不奉天命不用中聽則民無所措手足畏威通言當威之也在天命罰不極極究也在天討當究極之而故縱之則民亦無所措手足矣言用法當準乎天理不可意爲輕重出入 孫云王罰不中則眾民無有善政在天下

王曰烏乎嗣孫今往何監非德于民之中尙明聽之哉哲人惟刑無疆之辭屬于五極咸中有慶受王嘉師監于茲祥刑

傳曰嗣孫諸侯嗣世子孫哲人惟用刑乃有無窮之善辭名聞後世五極五常也 孫云極中也 莊云書言五極猶詩言五際屬際皆會也 朱云哲人惟刑卽上言折民惟刑古折哲通

皇清經解續編卷三百五十

南菁書院

尚書今古文集解二十八 武進劉逢祿申受著

文侯之命第二十八 周書十九

王若曰父義和

釋文義本作誼

馬曰王順曰父能以義和我諸侯 鄭曰義讀爲儀儀仇皆

匹也故名仇字儀 謹案馬本書序作王賜晉文侯拒邕圭

璜無平字故史記晉世家劉向新序善謀篇皆誤以爲襄王

賜晉文公命馬亦同誤也蓋孔安國所傳書序無平字去平

者孔子特削之使不得繼於武成康穆也猶春秋王不稱天

則僭於吳楚蓋深痛篡弑之禍始於平王故於詩則降爲國

風次於邶鄘衛之後序書則貶去平字以著春秋寓王建元

之義微言大義孟子傳之左氏云周之東遷晉鄭焉依此亦志晉伯之始也

丕顯文武克慎明德昭升于上敷聞在下

史記克訓能升訓登

馬曰昭明也上謂天下謂人

惟時上帝集厥命于文王

文王史記作文武

亦惟先正克左右昭事厥辟

鄭曰先正先臣謂公卿大夫也

越小大謀猷罔不率從肆先祖懷在位

孫云越于也猷道也率循也從順也肆故也懷安也

烏乎闕于小子嗣造天丕愆殄資澤于下民侵戎我國家純

孫云

造同遭愆同咎古屯純同莊云闕于小子嗣句

謹案殄資澤于下民者當幽王時東國已傷於財大東所爲  
刺也侵戎猶言戎侵申人繒人以犬戎伐周殺幽王而立平  
王大戎侵掠無厭爲我國家屯難也

卽我御事罔或者壽俊在厥服

謹案言幽王在位十一年而宗周之故家耆老俊人之士誅  
夷殆盡矣

予則罔克曰惟祖惟父其伊恤朕躬烏乎有績予一人永綏在

位史記續訓繼孫云  
綏俗字說文作綏

父義和女克昭乃顯祖女肇刑文武用會紹乃辟追孝于前文

人女多修扞我于艱若女子嘉謹案昭紹通扞  
說文引作戢

傳曰顯祖謂唐叔乃辟平王自謂也戰功曰多扞我于艱謂

救周誅犬戎

王曰父義和其歸視爾師甯爾邦用賚爾秬鬯一卣彤弓一彤

矢百盧弓一盧矢百馬四匹

爾說文引作念盧三體石經作旅古通

禮緯含文嘉說九賜云一車馬二衣服三樂則四朱戶五納  
陛六虎賁七斧鉞八弓矢九秬鬯

父往哉柔遠能邇惠康小民無荒甯簡恤爾都用成爾顯德

簡

體石經  
作東

鄭曰都國都也 馬氏驥曰左氏內外傳毛詩序史記竹書  
具載幽王嬖褒姒廢申后及太子宜臼大子奔申王立褒姒  
為后伯服為大子申人及犬戎人周弑王及伯服申侯魯侯  
許男鄭子立宜臼于申虢公翰立王子余臣于攜平王元年

東徙洛邑晉鄭秦衛定王于成周厥後晉文侯殺王子余臣  
于攜文侯之命報其立己之功望以殺攜王之效也平王既  
立于申自申還洛又使周人爲之戍申則幽王之弑不可謂  
非平王之志矣諸侯但知其冢嗣爲當立不察其與弑爲可  
誅號公有見於此而立攜王文侯殺攜王而平王之位定夫  
于錄此篇蓋著其事而惡自見 謹案莊宗伯毛詩說以兩  
無正之二章云庶曰式臧覆出爲惡刺攜王之奸命也卒章  
云謂爾遷于王都曰予未有室家正月之九章云終其永懷  
又寤陰雨刺平王之不復宗周也合詩書以觀而平王之罪  
自見春秋所以作也

皇清經解續編卷三百五十終

仁和邵頤穎校  
桐城姚永繁校



皇清經解續編卷三百五十一

南菁書院

尚書今古文集解二十九 武進劉逢祿中受著

秦誓第二十九 周書二十

公曰嗟我士聽無譁予誓告女羣言之首

鄭曰誓其羣臣下及萬民獨云士者舉中言之

古人有言曰民訖自若是多盤責人斯無難惟受責俾如流是惟艱哉我心之憂日月逾邁若弗云來

疏曰員卽云也謹案云來之云與下云然之云

本皆作員作云者衛包所改

王曰年已衰老恐命將終日月遂往若不云來將不復見日

月雖欲改過無所及蓋自用改過遲晚深自咎責之辭

惟古之謀人則曰未就予忌惟今之謀人姑將以爲親

說文心部恭毒

也周書曰來就基基莊云就字下脫于字下  
基字下脫教也二字經文未字為來字之誤

莊云來就于教孟子所謂欲有謀焉則就之

雖則云然尙猷詢茲黃髮則罔所愆漢書韋賢傳注引此云作員猷作猶孫云詢俗字當

為恟恟  
同誓

番番良士旅力既愆我尙有之謹案番說文作幡此古文旅卽

為眾  
非也

仡仡勇夫射御不違我尙不欲釋文仡仡馬作訖訖無所省錄之貌後案傳訓為壯勇之夫與

公羊宣六年何注合  
說文亦同馬非也

惟截截善謫言俾君子易辭我皇多有之公羊作譏譏善淨言俾君子易怠而況平

我多有之說文言部謫言便巧言也周書曰截截善謫言論  
語曰友使佞戈部義賊也周書曰義義巧言莊云截截古文  
義義今文釋文謫馬本作偏辭公羊作怠者說文辭猶文作  
咈形聲相近誤作辭也史記三王世家策文云俾君子怠與

公羊合也皇  
況兄古通

馬曰截截辭語截削省要也偏少也辭約指明大辨佞之人  
王石臞曰有之謂親之也左氏昭二十年杜注有相親有  
也自悔其親佞人也

昧昧我思之如有一介臣斷斷猗無他技

釋文介音界字又作个音工佐反伎本亦

作技他本亦作它後案說文無个字竹部箇竹枝也今又別作个尤不成字大學竟作个彼釋文个古賀反向書作介俗學之盛唐初已然公羊仍作介說文斷古文作介从卣卣古文吏字周書卣卣猗無他技又作創猗大學作介公羊作焉他俗字當作它古蛇字或借佗訓負何者以當之

馬曰一介耿介一心端慤者 大學鄭注斷斷誠一之貌也

他技異端之技也 公羊何注他技奇巧異端也

其心休休焉其如有容

大學容下有焉字公羊作其心休休能有容後案古如字作而而讀爲能讀

如曰

鄭曰休休寬容貌 公羊合注美大貌

人之有技若已有之人之彥聖其心好之不啻如自其口出是

能容之以保我子孫黎民亦職有利哉

大學注彥一作盤是大學注彥一作盤是大

字亦職作尙亦論衡引書曰黎民亦尙有利哉兩黎民屬下讀

大學鄭注有技才藝之技也若已有不啻口出樂人有善之

甚也美士曰彥黎眾也 王伯申云職主也

人之有技冒疾以惡之人之彥聖而違之俾不達是不能容以

不能保我子孫黎民亦曰殆哉

冒大學作媚達作通

大學鄭注媚如也違猶戾也俾使也拂戾賢人所爲使功不

通于君也殆危也

邦之杌隍曰由一人邦之榮懷亦尚一人之慶

孫云杌俗字說文引作阮

孫云懷安也尚主也慶善也皆自責之言

謹案孔子序周

書四十篇東周之書惟文侯之命秦誓二篇而已合而讀之

一爲孱弱之音一爲發憤之氣興亡之象昭昭也春秋書晉

人及姜戎敗秦于殽公羊子曰謂之秦夷狄之也許戰書曰

盡也穀梁子亦曰徒亂人子女之教無男女之別秦之爲狄

自殺之戰始也秦穆不用蹇叔百里子之謀千里襲鄭喪師

遂盡晉襄背殯用師亦貶而稱人序書何取焉取其悔過之

意深美閔約貶厥孫謀將以霸繼王也詩書皆由正而之變

詩四言始文武之盛而終于商頌志先世之亡以爲戒書三

科述二帝三王之業而終于文侯之命秦誓志秦以狄道代

周以霸統繼帝王變之極也春秋撥亂反正始元終麟由極  
變而正之也其爲致太平之正經垂萬世之法戒一也

皇清經解續編卷二百五十一終

仁和邵順穎校  
桐城姚永榮校

阜清經解續編卷三百五十二

南菁書院

尚書今古文集解三十

武進劉逢祿申受著

書序弟三十

大史公說孔子因史文次春秋紀元年正時月日蓋其詳哉  
至於序尚書則略無年月或頗有然多闕不可錄故疑則傳  
疑蓋其慎也又說孔子序書上紀唐虞之際下至秦繆編次  
其事馬鄭皆曰書序孔子所作謹案馬鄭本合爲一篇東晉  
本各冠篇首今依鄭次序其與史記東晉本異者附考於下  
昔在帝堯

鄭曰書以堯爲始獨云昔在使若無先之典然也 謹案在  
三統前故曰昔在卽曰若稽古例也

聰明文思光宅天下將遜于位讓于虞舜作堯典

段云遜當作孫

鄭曰堯尊如故舜攝其事又曰舜之美事在於堯時

虞舜側微堯聞之聰明將使嗣位歷試諸難作舜典

段云微玉篇作微

鄭曰虞氏舜名又曰入麓伐木又曰舜典逸 謹案內于大

麓說在本篇趙岐孟子注孟子時尙書凡百二十篇逸書有

舜典之序亡失其文孟子諸所言舜事皆舜典及逸書所載

案漢人多以百篇爲尙書二十篇爲中候孟子所載舜往于

田及完廩一篇不稱堯典曰又不稱書曰其祇載見瞽叟稱

書曰則逸書大傳之類也又曰不及貢以政接于有庠以猶

與也言此之謂也亦傳記書說古今文二典皆合一篇惟東

晉梅本始分慎微以下爲舜典非也大史公親見孔安國所



得古文尙書而所作舜本紀亦無出堯典所述之外可知非別有篇矣又馬融書傳序稱逸十六篇絕無師說卽史記云逸書得十餘篇劉歆云逸書有十六篇正義載其目云舜典一汨作二九共九篇十一大禹謨十二棄稷十三五子之歌十四允征十五湯誥十六咸有一德十七典寶十八伊訓十九肆命二十原命二十一武成二十二旅獒二十三四命二十四九共九篇共卷故十六篇蓋此十六篇亦逸周書之類未必出于孔壁劉歆輩增設之以抑今文博士耳東漢初治古文者衛賈諸子皆不爲注說故遂以佚要之據舜典皋陶謨序讀之則典謨皆完備逸書別有舜典大禹謨棄稷等等必歆等之僞也

帝釐下土方設居方別生分類作汨作九其九篇彙飲釋文下

一讀至方字絕句今書以難定之孫云汨傳訓治當从汨

彙傳訓勞當从木飲餗省文釋文王注本經文下更有汨作

九其故逸故亦作古段云偽傳已行之後或識王本如此而誤歸入於經

馬曰釐賜也理也其法也 鄭曰汨作逸九其逸彙飲汨

段云逸者不立學官逸在祕府也汨者有序目而無書也故

漢人云逸十六篇汨於晉永嘉時也大傳引書曰子辯下土

使民平平使民無敖

皋陶矢厥謨禹成厥功帝舜申之作大禹皋陶謨益稷益馬鄭

鄭云大禹謨逸棄稷逸莊云言漢學者多從之不知百篇聖

人所定稷為周配天之祖周人以諱事神雖詩書不諱而典

謨稷獨稱官惟帝命乃名耳據周

立法決無以棄稷名篇之理也 禹別九州隨山濬川任土作貢謹案任土絕句段云下疑有作

禹貢三字非也釋文貢或作贛

鄭云任土謂定其肥磽之所生

啟與有扈戰于甘之野作甘誓

馬曰有扈蚩姓之國爲無道者甘有扈南郊地名軍旅曰誓  
會同曰誥

太康失邦昆弟五人須于洛汭作五子之歌

史記邦作國釋文汭本一作內

馬曰須止也 鄭云辟亂于洛汭又云五子之歌逸 謹案

左氏春秋夏有觀扈楚語啟有五觀韋注五觀啟子太康昆  
弟也觀洛汭之地周書嘗麥解曰其在啟之五子忘伯禹之  
命假國無正用胥與作亂遂凶厥國皇天哀禹賜以彭壽思  
正夏略墨子非樂篇于武觀曰啟乃淫溢康樂野于飲食將  
將銘莧啓以力湛濁于酒渝食于野萬舞翼翼章聞于天天

用勿式惠定字云乃或子之譌或堯之譌將將上或有闕  
文食力翼式爲韻竹書紀年注武觀武觀也國在今頓邱縣  
段云左氏斟灌夏本紀作斟氏戈氏觀歌雙聲五子之歌卽  
五觀也之歌謂往觀也觀卽洛汭章注甚明然則觀地不在  
西河漢東郡畔觀縣非洛汭觀地也觀之爲歌猶甫之爲呂  
費之爲旡作僞者泥于歌字造爲五歌尙書不當以詩歌名  
篇固不待辨而自明者

義和廩淫廢時亂曰允往征之作允征

鄭曰允臣名又曰允征逸

自契至于成湯八遷湯始居亳從先王居作帝告釐沃

史記告作話一

作佶孫云告僖佶通史記無釐沃二字毫大傳作薄

鄭曰契本封商國在太華之陽又曰亳今河南偃師縣有湯  
亭地理志河南郡偃師尸鄉成湯所都 王曰契孫相土居  
商邱故因以爲國號 孫云皇覽曰帝嚳冢在東郡濮陽頓  
邱城南亳陰野中地理志東郡濮陽故帝邱顓頊墟在今河  
南濬縣西北湯遷偃師云從先王居者括地志曰亳邑故城  
在洛州偃師縣西十四里木帝嚳之墟商湯之都也今偃師  
縣與濬縣相近史記無釐沃疑帝嚳釐沃本一篇釐來聲相  
近言帝嚳始來治此沃土耳僞傳旣云告來居治沃土又云  
二篇恐未足據 後案鄭以契封商者在今陝西商州王肅  
以湯取商邱爲國號非也八遷無考湯從商邱遷亳則馬鄭  
王孔說並同也因學紀聞引大傳帝告篇曰施章乃服明上

下 鄭云帝告亾釐沃亾

湯征諸侯葛伯不祀湯始征之作湯征

後案孟子述其事引書葛伯饑餉又引後我后后來其無罰  
當是此篇文今東晉古文入仲虺之誥矣殷本紀所載湯征  
蓋殘章斷句馬遷受諸安國而記之者 鄭云湯征亾

伊尹去亳適夏既醜有夏復歸于亳入自北門乃遇女鳩女方

作女鳩女方史記無乃字方作房孫云傳云二篇非釋文帝告  
紂沃湯征女鳩女方此五亾篇舊解是夏書馬鄭

之徒以  
爲商書

孫云伊尹蓋爲湯貢士而適夏也醜惡也 鄭云女鳩亾女

方亾

湯既勝夏欲遷其社不可作夏社疑至臣冠

莊云史記夏社大  
典賁後中器之誥

前與鄭篇大異無疑至臣扈名東晉書夏社次湯誓後典  
實前從史記而小變之案馬鄭王本書序本是一篇其編篇  
次第鄭往往不得其說此湯既勝貞與武王既勝殷  
序例不符又臣扈爲大戊臣篇名次此亦當闕疑

鄭曰當湯伐桀時大旱致災明德以薦而猶早至七年故湯  
遷社而以周棄代之欲遷句龍以無可繼之者於是故止

馬曰疑至臣扈二臣名聖人不可自專復用二臣自明也

鄭曰夏社亡疑至亡臣扈亡

伊尹相湯伐桀升自陬遂與桀戰于鳴條之野作湯誓

後案陬字說文

所無未詳

鄭曰鳴條南夷地名 傳曰地在安邑之西 馬曰俗儒以

湯爲謚或爲號號者似非其意言謚近之然不在謚法故無

聞焉及禹俗儒以爲名帝系禹名文命王侯世本湯名天乙

推此言之禹豈復非謚乎亦不在謚法故疑焉

夏師敗績湯遂從之遂伐三腰俘厥寶玉誼伯仲伯作典寶史記

殷作髮誼作義仲作中

鄭曰伊訓曰載孚在亳又曰征是三腰又曰典寶逸

湯歸自夏至于大坰中虺作誥大坰史記作泰卷陶又作泰河虺作蠱荀子作歸

謹案左氏春秋引中虺之志云亂者取之亾者侮之墨子非

命篇引中虺之告曰我聞有夏人矯天命布命于下帝式是

增用爽厥師荀子引中歸之言曰諸侯自為得師者王得友

者霸自為謀而莫已若者亾鄭云中虺之誥亾

湯既黜夏命復歸于亳作湯誥史記黜作緇

殷本紀載其文曰維三月王自至于東郊告諸侯羣后毋不



有功于民勤力乃事予乃大罰殛女毋予怨曰古禹皋陶久  
勞于外其有功于民民乃有安東爲江北爲沛西爲河南爲  
淮四瀆已修萬民乃有居后稷降播農殖百穀三公咸有功  
于民故后有立徐廣曰立一作土昔蚩尤與其大夫作亂百姓帝乃  
弗予有狀先王言不可不勉曰不道毋之徐廣曰之一作政在國女  
毋我怨 鄭云湯誥逸 後案此孔壁真古文也 孫云此

史記從安國問故得之者馬鄭諸儒不據以編入二十九篇  
中以爲逸文漢人家法如此 謹案此篇亦晚周諸子所爲  
其東爲江四語卽四瀆注自古禹皋陶至有狀多襲甫刑文  
然以禹皋陶后稷爲三公不數伯夷則亦知呂命之僭妄矣  
不道毋正在國亦襲康誥不迪則罔政在厥邦之語必非真

古文湯誥也

伊尹作咸有一德

史記次明  
居前鄭同

鄭曰伊陟臣扈曰下關又曰咸有一德逸 謹案緇衣引尹  
吉曰惟尹躬暨湯咸有壹德注吉當爲告古文誥字之誤也  
書以爲咸有一德今亾又引尹吉曰惟尹躬天見于西邑夏  
自周有終相亦惟終注天當爲先字之誤忠信爲周相助也  
謂臣也伊尹言尹之先祖見夏之先君臣皆忠信以自終伊  
尹始仕于夏此時就湯矣夏之邑在亳西見或爲敗邑或爲  
予今案周或君之誤篆形相近錢大昕云注云今亾或今逸  
之譌 段二是篇本逸而亾今亾者逸篇十六至康成時亾  
之如武成逸篇建武之際亾然則馬鄭亦未全見十六篇也

咎單作明居

馬曰咎單湯司空也明居明居民之法也 鄭云明居亾

成湯既沒大甲元年伊尹作伊訓肆命祖后

鄭曰肆命者陳政教所當爲也祖后者言湯之法度也又云

伊訓逸肆命逸祖后亾 謹案孟子引伊訓曰天誅造攻自

牧宮朕載自亳荀子引書曰從諫不拂微諫而不倦爲上則

明爲下則遜楊倞注書伊訓也漢律志引伊訓篇惟大甲元

年十有二月乙丑伊尹祀于先王誕賁有牧方明堯典疏載

鄭注典寶序引伊訓曰載孚在亳又曰征自三艮右零文斷

句見于子史者如此律志本于劉歆託年月日以證其三統

術耳鄭所引載孚在亳卽朕載自亳征自三艮卽遂伐三艮

用是見逸十六篇毫無意義故絕無師說且疑劉歆偽託以厭伏今文博士者

大甲既立不明伊尹放諸桐三年復歸于亳思庸伊尹作大甲三篇

鄭曰桐地名也有王離宮焉又曰大甲三篇亡史記說帝大甲修德諸侯咸歸殷百姓以甯伊尹嘉之乃作大甲訓三篇褒帝大甲稱大宗 謹案表記引大甲曰民非后無能胥以甯后非民無以辟四方緇衣引大甲曰毋越厥命以自覆也若虞機張往省括于度則釋大學引大甲曰顧諟天之明命鄭注顧念也諟猶正也諟或爲題孟子引大甲曰天作孽猶可違自作孽不可活又引作天作孽可違也自作孽不可以

這案這活雙聲古人讀書以口授大義為主文辭小異不屑屑拘也

沃丁既葬伊尹于亳咎單遂訓伊尹事作沃丁

鄭曰沃丁亡謹案括地志云伊尹墓在洛州偃師縣西北

八里伊尹周公功高震主後世必有誣其不善終者聖人序

書曰沃丁既葬伊尹于亳曰公薨成王葬于畢皆特筆也後

世開國之主必有耐葬元勳助于此矣竹書猶有大甲殺伊

尹鄭注金縢猶有成王殺周公官屬之邪說誣聖亂經不已

甚哉傳曰沃丁大甲子正義引皇甫謐曰沃丁八年伊尹

卒年百餘歲案周公告魯與所謂天壽平格保乂有殷者也

伊陟相大戊亳有祥桑穀共生王朝伊陟贊于巫比作咸以

篇大戊

又史記作艾大戊篇目據史記增段云史記誤衍作大戊三字下序脫作伊陟三字

馬曰大戊大甲子

傳曰伊陟伊尹子大戊既丁弟之子

後案史記述商世系股本紀與三代世表不同馬據世表傳

據本紀故異也

鄭曰兩手揜之曰共巫咸巫官

馬曰巫

男巫也名咸殷之巫也艾治也史記說巫咸治王家有成作

咸艾作太戊江氏云下文大戊贊于伊陟大戊下當有二畫

作重文俗儒疏忽去之遂闕大戊篇目矣

鄭云咸又四篇

凶

大戊贊于伊陟作伊陟原命

莊云史記有大戊無伊陟是大戊篇即伊陟篇史公從安國

問故猶得聞百篇之說曰帝大戊贊伊陟于廟言勿臣伊陟

讓作原命是也 馬曰原臣名也命原以禹湯之道我所修也 江云原再也伊陟原命爲一篇 段云史記誤脫作伊陟三字 鄭云伊陟亡原命逸

仲丁遷于囂作仲丁仲丁書闕不具

書史記作微

莊云史記云仲丁書闕不具當亦是書序語蓋百篇中卽有錄無書否則漢時亡逸者甚多不應獨舉仲丁一篇也 孫云車攻箋云敖鄭地今近滎陽水經沛水注云沛水又東經敖山北詩所謂薄狩于敖者也其山上有城卽殷帝仲丁之所遷也 鄭曰仲丁亡

河亶甲居相作河亶甲

殷本紀河亶甲中丁之弟正義引括地志故殷城在相州內

黃縣東南三十里卽河直甲所築都之所名殷城也漢地理

志相縣屬沛郡 鄭云河直甲亾

祖乙圯于耿作祖乙

史記圯作遷耿作邢索隱邢音耿本亦作耿

馬曰圯毀也 鄭曰祖乙又去相居耿而國爲水所毀于是

修德以禦之不復徙也錄此篇者善其國圯改政而不徙又

曰祖乙亾 孫云地理志宏農郡皮氏有耿鄉括地志絳州

龍門縣東南十一里耿城故耿國也在今山西河津縣西一

里段云說文邢鄭地有邢亭也祖乙所遷當是此地

盤庚五遷將治亳殷民咨胥怨作盤庚三篇

治亳正義引束皙云壁中書作始宅

左氏春秋周官大祝注引此作盤庚之詰

鄭曰治于亳之殷地商家自徙此而改號曰殷亳又曰民居



耿久奢淫成俗故不樂徙 孫曰史記項羽本紀洹水南殷墟上集解云騶案應劭曰洹水在湯陰界殷墟故殷都也墳曰此殷墟非朝歌也汲冢古文曰盤庚遷于此注殷墟南去鄴三十里是舊殷乎然則朝歌非盤庚所遷者殷本紀云帝盤庚之時殷已都河北盤庚渡河南復居成湯之故居此孔安國故書也

高宗夢得說使百工營求諸野得諸傅巖作說命三篇

釋文說本又作

兌說文巖營求也从巛从人在穴上商書曰高宗夢得說使百工營求得之傅巖巖史記作險孫云得當作尋

史記說是時說爲胥靡築于傅險 馬曰高宗始命爲傅氏

孫云括地志傅巖卽傳說版築之處窟名聖人窟在今陝

州河北縣北七里卽虞國號國之界又有傳說祠胥靡漢書

注晉灼云胥相也靡隨也古者相隨坐輕刑之名也 鄭曰  
說命三篇亡荀子非相篇曰傳說之狀形如植鰭楊倛注植  
立也如魚之立說形本異故可以形求也

大傳引兌命曰高宗梁闇三年不言楚語白公曰昔殷武丁  
能聳其德至于神明以入于河自河祖亳于是乎三年默以  
思道卿士患之曰王言以出令也若不言是無所稟令也武  
丁于是作書曰以余正四方余恐德之不類茲故不言如是  
而又使以象夢求四方之賢聖得傳說以來升以爲公而使  
朝夕規諫曰若金用女作礪若津水用女作舟若天旱用女  
作霖雨旼乃心沃朕心若藥不瞑眩厥疾不瘳若跣不視地  
厥足用傷又曰使朝夕規誨箴諫曰必交修于無余棄也

禮記引兌命曰念終始典于學又曰學學半又曰敬孫務時  
敏厥修乃來又曰惟口起羞惟甲冑起兵惟衣裳在笥惟干  
戈省厥躬又曰爵無及惡德民立而正事純而祭祀是爲不  
敬事煩則亂事神則難鄭注純或爲煩 莊云高宗梁闇二  
句或高宗之訓篇首文爵無及者及謂世及春秋譏世卿之  
義也惡古通亞亞德言當以德大小詔爵次序也民立而正  
事句純當爲純形相近而誤謂茅蕝而祭祀士大夫之祭從  
略也王侯以之是爲不敬矣又云武丁父小乙以上四世皆  
兄弟相及或修四親廟禮或廢而不修故至武丁而五世之  
廟無恆祀高宗彤日曰典祀無豐于昵兌命曰廟無及亞德  
其義一也爵謂天子諸侯惡次也德升也王者繼先君之統

爲天之子雖及亦繼也昭穆皆以次升民亡國及無主後者  
也立位同無廟故爲位無廟則無常祀此所以正廟與民祭  
祀之事也比而同之不敬莫大焉祭祀無恆而卜筮之用所  
謂龜筮不能知者也故曰事煩則亂事神則難

高宗祭成湯有飛雉升鼎耳而雊祖己訓諸王作高宗彤日高

宗之訓

漢五行志飛作蜚升作登史記祭成湯下有明日二字雊作鳴

鄭曰鼎三公象也又用耳行雊升鼎耳而鳴象視不明天意  
若曰當任三公之謀以爲政又曰高宗之訓亡 禮坊記引  
高宗云三年其惟不言言乃謹注名篇在尙書

殷始咎周周人乘黎祖伊恐奔告于受作西伯戡黎

黎大傳作耜史記作

饑又作阨又作者  
戡說文作戡字

鄭曰咎惡也紂聞文王斷虞芮之訟後又三伐皆勝始畏而惡之拘于羑里又云乘勝也紂得散宜生等所獻寶而釋文王文王釋而伐黎明年伐崇 馬曰咎周者爲周所咎又曰受請曰紂或曰受婦人之言故號曰受也 鄭曰紂帝乙之少子名辛帝乙愛而欲立焉號曰受德時人傳聲轉作紂也史掌書知其本故曰受段云據正義馬鄭本百篇之序別爲一篇在後受字始見大誓此馬鄭注當在大誓篇殷既錯天命微子作誥父師少師

馬曰錯廢也 鄭曰微子啟紂同母庶兄紂之母本帝乙之妾生啟及衍後立爲后生受德

惟十有一年武王伐殷一月戊午師渡孟津作大誓三篇

莊云  
錢闕

度作

史記說九年東觀兵至于孟津乃還師歸居二年乃遵文王以東伐紂十一年十二月戊午師畢渡孟津武王乃作大誓

鄭曰十有一年本文王受命而數之是年入戊午部四十

歲矣 王曰大誓武王以大道誓眾 辨詳莊氏書序說義

武王戎車三百兩虎賁三百人與受戰于牧野作牧誓三百孟子作三

千受說又作紂牧說又作地

鄭曰牧野紂南郊地名說文毋朝歌南七十里地 莊云大

誓三篇告諸侯及商庶百姓皆明天命廢興毋誓則申嚴軍

令而已故別為次與湯誓同例

武王伐殷往伐歸狩識其政事作武成

莊云狩本皆作獸以歸馬放牛當之而周書也

俘又言武王狩禽之事其篇首有于征伐紂之文劉歆三統  
術以爲武成未知鄭氏所云武成逸書建武之際亡者卽此  
召也要皆非百篇之舊今從史記作歸狩言西歸行狩也  
釋文獸本或作獲莊云異或禪之訛歸單卽時邁詩是也  
鄭曰著武道至此而成武成逸書建武之際亡

武王既勝殷邦諸侯班宗彝作分器

釋文班本又作般史記并作封莊云鄭本此序在洪

範後今從史記與武成相次在洪範前蓋史公從安國問古文說也

鄭曰宗彝宗廟樽也作分器著王之命及受物也又曰分器

亡

武王勝殷殺受立武庚以箕子歸作洪範

莊云東晉古文在分器前蓋本之劉歆三

統術以爲卽在伐紂之歲此誣聖亂經之一端也今文大傳太史公皆以爲在克殷後二年儒林傳以遷書洪範爲古文說現今古文皆無異倡自劉歆一人臆說以爲十三年伐紂而班固王肅皆從之是不可不辨者又云己當作紀易已事遷往本亦作祀事殷本紀云封紂子武庚祿父以續殷祀

西旅獻獒大保作旅獒釋文獒馬作獒

馬曰獒酋獒也 鄭曰獒讀曰獒西戎無君名強大有政者

為酋獒國人遣其酋獒之長來獻見于周又云旅獒逸 後

案武王時召公未為大保史以其所終之官追言之

巢伯來朝芮伯作旅巢命

鄭曰巢南方之遠國諸侯世一見者伯爵也殷之諸侯聞武

王克商慕義而來朝芮伯周同姓國在畿內又云旅巢命

後案魯語桀奔南巢韋注南巢揚州地今廬江居巢縣是

也正義引世本曰芮姬姓地理志左馮翊臨晉縣芮鄉故芮

國 孫云在今陝西朝邑縣南

武王有疾周公作金縢釋文馬本有疾下多不豫二字段云大傳大誥在金縢前



武王崩三監及淮夷叛周公相成王將黜殷作大誥

段云正義黜殷下有

命字

鄭云三監管叔蔡叔霍叔三人爲武庚監于殷國者也前流言于國公將不利于成王周公還攝政懼誅因遂其惡開導淮夷與之俱叛此以居攝二年之時繫之武王崩者其惡之初自崩始也誅之者周公意也而言相成王者自迎周公而來敵已解矣黜貶退也

成王既黜殷命殺武庚命微子啟代殷後作微子之命

鄭云黜殷命謂殺武庚也微采地名微子啟紂同母庶兄也

武王投之于宋因命之封爲宋公代殷後承湯祀微子之命

匹

唐叔得禾異畝同穎獻諸天子王命唐叔歸周公于東作歸禾

禾本紀作嘉穀畝魯世家作母歸世家作饌

周本紀說成王以歸周公于兵所 鄭云二苗同爲一穗又

云歸禾亾

周公既得命禾旅天子之命作嘉禾

旅魯世家作嘉周本紀作魯案魯旅古通

鄭云受王歸己禾之命與其禾又云嘉禾亾王莽傳羣臣奏

言書逸嘉禾篇曰周公奉鬯立于阼階延登贊曰假王諫政

勤和天下 後案此或壁中書于增多篇外別有殘章零句

流傳者故得引之 謹案逸嘉禾篇必劉歆偽造也

成王既伐管叔蔡叔以殷餘民封康叔作康誥酒誥梓材

封正義作

邦梓釋文音于本亦作梓

鄭曰言伐管蔡者爲因其國也不言霍叔者蓋赦之也康爲  
號謚初封于衛至于孫而并鄰鄭也 馬曰康國名在畿內  
段云法言問神篇云昔之說書者序以百而酒誥之篇俄  
空焉今亾夫謂酒誥無序非謂酒誥闕也

成王在豐欲宅洛邑使召公先相宅作召誥

鄭曰欲擇土中建王國使召公在前視所居者王與周公將  
自後往也

召公既相宅周公往替成周使來告卜作洛誥

鄭曰居攝七年天下太平而此邑成乃名曰成周也

成周既成遷殷頑民周公以王命誥作多士

誥史記作告晉世家無逸在多士前

鄭曰此皆士也周謂之頑民無知之稱

周公作無逸

召公爲保周公爲師相成王爲左右召公不說周公作君奭

鄭曰此師保爲周禮師氏保氏大夫之職賢聖兼此官召公以周公既攝王政不宜復列于臣職故不說 馬曰左右分

陝爲二伯東爲左西爲右召公以周公既攝政致太平功配文武不宜復列在臣位故不說以爲周公苟貪寵也

成王東伐淮夷遂踐奄作成王征

踐周本紀作殘奄大傳作揜釋文政如字馬作征云正也

鄭曰此伐淮夷與踐奄是攝政三年伐管蔡時事其經篇于

此未聞踐讀爲翦滅也奄國在淮夷之北凡此伐諸叛國皆

周公謀之成王臨事乃往事畢則歸後至時復行又曰成王

征亾 謹案鄭注禹貢引嗣征曰龍厥元黃卽成王征非夏

書允征也下曰紹我周王爾雅郭注誤作釗周王謂武王紹

嗣也孟子載其文

成王既踐奄將遷其君于蒲姑周公告召公作將蒲姑

蒲史記作博馬

同江云據大傳蒲姑爲奄君名于乃衍字

馬曰蒲齊地名 鄭曰奄既滅矣其君佞人不可復故欲徙

之于齊地使報于大國又曰將蒲姑亡

成王歸自奄在宗周詰庶邦作多方

成王既黜殷命滅淮夷遷歸在豐作周官

堯典疏孔以周官在立政後第八十八鄭

以周官在立政前第八十六魯世家云周之官政未次序于是周公作周官官別其宜作立政以便百姓百姓說孫云是今文周官亦或在立政前也

鄭曰周官亡

周公作立政

成王既伐東夷肅慎來賀王俾榮伯作賄肅慎之命

釋文肅馬本作息後

案鄭同史記同傳史記作賜

馬作辨慎漢書顏注作存

馬曰息慎北夷也榮伯周同姓畿內諸侯爲卿大夫也鄭

曰息慎或謂之肅慎東北夷又云賄肅慎之命亡江云王

辨榮伯辨古班字班亦賜也王以息慎所貢分賜榮伯也

段云王俾榮伯四字句絕文當有賄息慎三字史官語未完

謂使榮伯賜予肅慎史官乃作賄肅慎之命也

周公在豐瘞沒欲葬成周公薨成王葬于畢告周公作亳姑

鄭曰亳姑亡正義引帝王世紀云文武葬于畢畢在杜南

晉書地道記亦云畢在杜南與畢陌別俱在長安西北

周公既沒命君陳分正東郊成周作君陳

鄭曰天子之國五十里爲近郊今河南洛陽相去則然東郊周之近郊也半遠郊坊記注君陳蓋周公子伯禽弟也又曰君陳亡坊記引君陳曰爾有嘉謀嘉猷入告爾君于內女乃順之于外曰此謀此猷惟我君之德於乎是惟良顯哉緇衣引君陳曰未見聖若己弗克見既見聖亦不克由聖又曰出入自爾師虞庶言同

成王將崩命召公畢公率諸侯相康王作顧命

鄭曰回首曰顧臨終出命故謂之顧顧將去之意也

康王既尸天子遂誥諸侯作康王之誥

釋文馬本康王上更有成王崩三字周本紀作

康誥

康王命作冊畢分居里成周郊作畢命

周本紀畢下有公字莊云淺人所加

鄭曰今其逸篇有冊命霍侯之事不同與此序相應畢命

孫曰漢律志云康王十二年六月戊辰朔三日庚午故畢

命豐刑曰惟十有二年六月庚午肅王命作策豐刑謹案

鄭所見逸篇不可考要非此篇也三統術劉歆所造不可信

聞之師說康王命作冊句畢分居里成周郊句畢命非命畢

公畢終也周公相成王致太平成文武之德大誥所謂曷敢

不于前甯人攸受休畢梓材所謂用懌先王受命也周公成

王未竟之業至康王始畢之故曰成康之隆刑措四十餘年

不用

穆王命君牙爲周大司徒作君牙

釋文牙或作雅



鄭曰君牙亡 繼衣引君難曰夏暑雨小民惟曰怨資冬那

寒小民亦惟曰怨

穆王命伯冏爲周大僕正作冏命

圖說文作冏史記漢書古今人表同後案作冏者衛包改

也釋文字亦作冏俗刻誤也

鄭曰冏命逸 史記穆王閔文武之道缺乃命伯冏申誡大

僕之政作冏命復甯蓋孔安國故也

蔡叔既沒王命蔡仲踐諸侯位作蔡仲之命

魏典疏孔以蔡仲之命次君南第八

十三鄭以爲在費誓前第九十六又云鄭于賈氏所奏別錄爲次

鄭曰蔡仲之命亡 謹案鄭本次此當是壁中本此周書變

書之第一篇也說詳集解費誓篇左氏春秋載命書曰王曰

胡毋若爾考之違王命也恐亦祝熊所造以歷蔡者說詳左

氏春秋疏證

魯侯伯禽宅曲阜徐夷並興東郊不開作費誓

釋文開周本所關後案費周禮

禮記鄭注皆作柴大傳作鮮史記作肸說文作業

後案伯禽與穆王不同時上下皆穆王書忽聞以成王伯禽

書二篇此壁中書之錯亂魏晉人移于文侯之命下乃欲使

諸侯之書從其類而與秦誓附近以比魯頌之居詩末耳

呂命穆王訓夏贖刑作呂刑

傳曰訓暢夏禹贖刑之法

王錫晉文侯拒邕圭瓚作文侯之命

釋文平王馬無平字錫作賜孫云史公劉向誤以文

侯為文公是今文古文俱無平字也

秦穆公伐鄭晉襄公帥師敗諸崤還歸作秦誓

秦本紀穆作繆崤作散

皇清經解續編卷三百五十二終

皇清經解續編

尚書今古文集解三十

仁和邵顯穎校  
桐城姚永榮

尚書今古文集解校勘記

第一卷

月行三十度十九分度之七

八頁十七行

原本三十作十三

左氏伯虎仲孺叔豹季狸

二十八頁六行

原本孺作熊

第三卷上

當是治九河

二頁十三行

原本治作疏

能吐萬物白土

五頁二十二行

原本作能吐生萬物曰土

馬曰同

六頁一行注

原本無曰字

蓋別有碣石於此名同

七頁十三行

原本於作與

濟河當從說文漢志作涉

八頁一行注

原本無河字

濕水所經故地理志譌爲溼

十頁十八行注

原本故字下有

名字譌作訛

泮海入海之間 十一頁九行 原本作入海間之間

亦皆侵地也 十一頁十九行 原本作亦皆侵青地也

出此五物皆供之 十三頁二行 原本供作貢

其源實出泗縣 十六頁十二行 原本縣作水

珠之有聲脫蚌字 十六頁十四行 原本蛛之有聲下有當作

蚌之有聲六字無脫蚌字三字

又梨水經叙泗水原委甚詳 十七頁六行 原本泗水下有荷水

一字

達於荷達於沛矣 十七頁八行 原本達於荷下有卽字

故書曰達於荷澤 十七頁十五行 原本無澤字

禹貢爲此書法 十七頁十六行 原本作禹貢必無此書法

馬本作慣 二十頁三行注 原本慣作瑣

是尋九江遺迹 二十三頁十行 原本尋字下有陽字

歷南監利縣南 二十四頁十行 原本歷字下無南字

商州盧氏永甯伊宜陽 二十八頁十二行 原本無伊字

本紀作榮播既都書正義馬鄭王皆作榮播 二十八頁十二行注

原本兩榮字作榮

西漢所出入廣漢白水 三十一頁十九行 原本入字上有南

字

卽雅州府之雅安 三十四頁八行 原本卽作及

道果使近便 三十七頁八行 原本道果便近無使字

遼闊不可絕紀矣 三十八頁三行 原本無絕字

一曰洛水 四十頁十行 原本作一曰入洛

故千里而東千里而西 四十三頁四行 原本西作南

西甯縣西南甯塞外 四十三頁九行 原本西南下無甯字

渭汭在河岸西岸 四十三頁十六行 原本作在河之西岸

大山名曰昆侖 四十四頁五行 原本大山上有有字

合流至鹽津 四十四頁十九行 原本津作澤

第三卷下

先後之言 一頁十三行 原本作先後言之

恆山在常山上曲陽西北 三頁四行 原本曲陽下有縣字

山在縣西十里 五頁五行 原本西作北

又西南入海也 八頁十三行 原本也作耳

黑其出南脅 八頁十九行 原本作出其南脅

四十里至河首積石山 十頁九行 原本里作日

漢平氏故城在今河南南陽府 二十八頁二行下漏刻一行

原本有桐柏縣西北四十里大復在平氏故城東南復陽

故城又在二十三字

鳥名爲鷦似鷦而黃色 二十八頁十五行 原本作黃黑色

禹貢鳥鼠同穴在西南 二十八頁十七行 原本同穴下有山字

不主男任也 三十三頁十六行 原本作不主一男任也

受王制者刑法而已 三十四頁五行 原本無制字

而別至於五千里 三十四頁二十一頁 原本作面別



第五卷

辭似重

三頁九行

原本作辭似複重

第六卷

張衡東京賦亦曰云

一頁二十一行

原本無曰字

後案易晉卦矢得勿恒

二頁五行注

原本作勿恒

若顛木之由槩

三頁五行

原本若顛木之有由槩

燿讀予若觀火之觀

五頁二行

原本讀下有若字

如燎原之火不可撲滅也乎

六頁二行

原本無也字

誕告用誕

七頁二十一行

原本誕告用鹽

馬右皐反

七頁二十二行

原本作在早反

鄉遂物

八頁五行

原本作鄉遂藏物

言卑應言 十二頁一行注 原本作言卑應之

屬言卑應言讀 十二頁二行注 原本下言字作之

則其以爵等登用之 十三頁九行 原本無其字

第八卷

皆後人改之 一頁六行注 原本無此五字

第十一卷

漢歷志作塋 一頁五行注 原本漢歷志上有野字

第十二卷

辭史記石經王嘉傳作歷 十頁十一行注 原本辭史記石經

王嘉傳作辭或王嘉傳作歷

第十三卷

我之不驛馬鄭音辟

四頁二十二行注

原本辟作避

第十四卷

卽成王卽位

三頁三行

原本無上卽字

今文當衍一字

四頁二行注

原本今作古

故言今若手無策

五頁五行

原本作今若束手無策

此節深責邦君御事之祖東征者

五頁十行

原本但作阻

第十五卷

周公三王之道

三頁六行

原本周公下有以字

此以明之未戾

七頁十行

原本明作民

第十六卷

此後世孔子

一頁九行

原本無後世二字

小篆歟隸變从言

五頁四行注

原本少一隸字

莊云乃司民讀殷民也

五頁十六行

原本讀作謂

想是伏生別得逸文所無

六頁一行

原本所無上有乃古文

三字

### 第二十卷

告爾有方多士

五頁一行

原本作有多方士

彼卽有國

五頁二十二行注

原本有作故

### 第二十一卷

自時厥後立王

三頁十九行

原本無立王二字

### 第二十二卷

與命相則反

三頁十三行

原本作則相反

言我不智慧 六頁七行 原本惠作慧

第二十六卷

魯世定 四頁十四行 原本作魯世家

第二十七卷

皋陶之功者也 四頁十七行 原本無者字

爲四百一十六兩 八頁十四行 原本兩作斤

銅四百六十斤十兩有奇 八頁十五行 原本六十作十六

亦無行矣 九頁二十行 原本作亦無不行矣

第二十九卷

公羊合注 二頁十三行 原本作公羊何注

第三十卷

遷歸在豐 十六頁八行 原本作還歸在豐

釋文開馬本所闕 十八頁十四行 原本所闕作作闕

書序述聞

候旬男邦采衛威若在 三十五頁一行 原本無若字

明著之周公 三十五頁十七行 原本作明著之曰周公

亦可見周公未當履天子之籍 三十七頁五行 原本當作嘗

稱在以接諸侯 四十九頁一行 原本在作王

文曰以諸侯之踰年卽位 四十九頁六行 原本文作又

曰其克諸爾我兵以陟禹之迹 五十一頁一行 原本我作戎

甫刑可以觀誠 五十三頁五行 原本誠作誠

尙書今古文集解校勘記終 孫葆植 翰藻敬校正

皇清經解彙編 尙書今古校勘記